



蘇魏公文集卷五十八

墓誌銘

職方郎中辛公墓誌銘

朝散大夫累贈戶部侍郎趙

穎州萬壽縣令張君墓誌銘

儀鸞使銀青光祿大夫任君墓誌銘

朝奉郎太常博士張君墓誌銘

屯田郎中知博州梁君墓誌銘

職方郎中辛公墓誌銘

卷五十八

光緒戊子湖州陸  
心原捐送國子監  
之書匾藏南學

蘇州廣東會館藏

某之外舅尚書駕部員外郎辛公以公族子兄弟孝友行義見推鄉論二季不幸早夭三昆仕宦皆為郎官歷典州郡以政事聞公于其次叔也又能力孝取科第益為士大夫稱道以為辛氏昆仲可謂能世其家者也初駕部之葬某既銘其墓矣今公喪卜遷有日諸孤復請誌因論次以續前刻云公故叅知政事追封晉國公仲甫之孫太府少卿分司西京若冲之子諱有終字成之少奉進士試禮部不捷姊夫翰林承旨中山劉公筠留真門下將推任子恩荐之公力

辭與其季有章由是人益竒其遠操中山公一代文宗門人賓客皆當時豪雋之士居其間相與講孝功劇浸漬遂至于大成以之策名則从容如取已物以之从政則寬裕而為吏表信夫資之深而畜之厚也公以景祐元年擢第補汝州團練推官知賴州沈邱縣事政以平易為尚故民便安之始一年民恐其滿去也于是父老數百輩詣轉運使請留再任公以父愛去我不報服除再調寧國軍節度掌書記歷事太守二吳公所為不同有如水火諸僚或傳令其意

以求合。獨公贊佐有體，不為前後易守。故二公待之如一方。是時朝廷督責諸郡使者，加轉運使以按察之名，又增判官以重其任。而江東三使者楊紘、王鼎、王綽也。號最办賊文移，奉檄無有虛月。公被臺委鞠滯訟案，積欺一歲間，幾百餘事。連及者甚衆，公皆推析枉直，或原或坐，盡中情法。三使者嘉之交，荐于朝代。還考課，改著作佐郎，知河南府永寧縣。移知益州新都縣。衢田無阡陌，公為溝遂，課民植槐柳，柰果于兩旁，未幾木陰茂密，邑居便之。先是晉公以補

缺守彭州，嘗種柳城中，以蔭街衢。及去，郡人思而愛之，号補缺柳。新都之民，犹知其事，謂公有祖門之惠。慶焉累轉秘書丞、太常博士、通判原州，知青州，博具縣。由尚書員外郎六遷至職方郎中。嘉祐四年，知鄂州。其年初通茶禁，令民戶出租錢，鄂之邑歲當七萬三千緡。使者累請得減三萬緡，仍自次年始除之。公言民病榷法之弊，復若橫斂，上幸弛而寬之矣。然歲中災歉尤甚，望并蠲減以紓編戶之艱，急詔可之。而隣境得以例蠲者，二州榷禁既除，三司悉收諸路茶

本茶租錢歲計上供公以為本錢出縣官令官不市  
茶上供故以租錢賦予民若盡輸京師則南方貨幣  
竭矣有司詳定如公言而漕臺蒙利尤博旧制鄉縣  
衙前止三等而州郡差使有五等其惠常在力役不  
相当吏得高下任情公為奏定皆作五等以物產多  
寡傳差役重輕自是役者稱平諸邑坊場旧有無名  
酒額及上供綱運摺運載鹽赴本路二者為州人患  
且久矣公皆例上其事得請罷罷之迄今人懷其惠  
治平二年知渝州上界濱帶獠夷種人喜乘間內侵

捕吏平居未嘗撤警或科民齋糶守卒公至則悉  
召巡檢縣尉還本廨使戎漢不得相擾但遠斥候緝  
器備嚴訓練而已獠人知之終公之政無復犯境者  
本道上凡最以治公第一明年八月一日以疾終于  
州寢享年六十八公之先世著籍汾陽自晉公以大  
臣謝事田京師及薨塋許州之長社而子孫遂占數  
死者以昭穆緦大墓將塋尚書卜祔大墓不吉卜陽  
翟之三封原吉因定祔塋諸之子先也皆以次塋  
公今又祔之以熙寧元年八月甲子厝事從日月之

吉也夫人王氏國子博士羽之女及事姑章名有礼  
則繼夫人高氏太尉忠肅公亮之季女出貴胄配君  
子睦中外之族無不得其欢心者封永安縣君先公  
二年卒並合窆本壙子男三人長男華太廟齋郎次  
旦次冕皆謹飭幹祿保守門法女嫁太子中舍張張  
圭司門員外郎王瑜舍山縣令馬玗太廟齋郎張孝  
敏餘皆早亡初尚書之歸休也公就養左右未嘗遠  
去昼則視饗膳夜須定寢然後反室篝火親孝或達  
旦不寐如是者幾十年暨尚書亡公與仲氏崎嶇田

田圃間力幹窀穸無不如礼者居家事諸兄如父閨  
門雍、無間言人以為愛恭之至得于天資非外獎  
所及也某于姻部中接公最熟每听其論况容婉約  
皆有味趣大抵本于人情而歸之恕已所為如其言  
烏呼可謂豈弟君子也已銘曰辛公樂易為世良吏  
不縱不苟归之中和四邑善治二州長利惠爱人謹  
風猷世濟廉章存論課以最聞未膺褒表奄謝灵辰  
神復渝江表还賴瀆安茲壙遂从称之卜

朝散大夫累贈戶部侍郎趙公墓誌銘

公誨溫瑜字子美御史中丞兼宗正卿贈太師中書  
令兼尚書令魏文定公諱安仁之長子魏公在真  
宗世以道德文章一代名臣歷翰林孝士叅知政事  
生七子皆得其家孝兄弟以修謹相尚不肖碌碌為  
京人所為故其仕官多至顯官出使典州皆有能稱  
當時士大夫之論以其家法如此而公之諸弟則曰  
所以能保守其祿仕不墜素業者實吾兄誨飭使然  
耳公為人渾厚萬實不善矯飾以徼名譽平居視之  
和易若无所不可者其遇事臨文法則持守堅固人  
鮮能奪治家岩而有息接人恭而盡誠當官勤而愛  
物蓋有先世之風範焉公景德某年以執政子起家  
為太常寺奉禮部奉加祐二年五月以少府監終于  
家在任通五十年其間十五遷秩歷京寺監丞博士  
尚書員外郎中司農光祿少卿最其任以事者由兼  
宗正主簿出知河南城父蘄水三縣由蘄水陞通判  
石舒二州陞知祥蘄隨解晉州五由晉州以朝選知  
娶曹泚三州而不曹至官由泚州以疾還京師權判  
殿中監凡更十四職大抵治簡而嚴不務苛擾以此

人信而愛之先時蘄水有疑獄前令以不能決公至一訊而伏吏駭其明而不敢犯其後領州人猶望風懍戢蘄俗有鬼有病用巫不用醫為公叫諸巫使習診病而又擇經方揭石于衢肆由是人知用藥稍革旧俗赴梁洋日道岐下聞蜀寇乘飢聚党揚言將略洋州或謂公曰賊勢方張城中素無不備不宜遽前公曰吾既受命為守臣臣聞難當亟往若遲田觀望豈朝廷所以任使之意耶即日單騎遂行迂者遇路不知公太守也比至州吏民驚且喜曰強守來寇

不足慮也因之釐方略修禦備軍声益振賊聞之道去轉運使建言國初以來關隴之民多從蜀者歲久人益衆盡地力不足以給衣食誠令僑寄之人悉遣本土則蜀之財力可紓什三四事下請郡公獨奏曰向時東人所以西徙者盖因五代之荒擾耳比天下無事則已習其土俗或長子孫一旦遣之是重困擾非所以固其心也朝廷是之于是洋民德公之深至有畫其像日拜于家在解州論安邑兩地利害著為一書日解池樞要上之又言官車輦監輸數十



郡役卒推輓晝夜不得休息疲者既不勝其敝因而竄逃累五犯則抵死役苦法重犯者相屬幸朝廷矜寬之詔听其減死則論三路民兵有老与病例得以強壯子弟點面代名是時河東經畧使料已代黥者從隸旁州下軍而晉卒當从者几千人况不自安公謂之曰邊兵額無高下廩給均厚何憚而不往若撓師府令動搖軍旅則有罪矣衆遂帖然就從本路初更鈇錢法以大錢三当一公以為貨幣驟亡十之七貧者必先受其弊矣因密召諸軍校令軍省質貸

者約三日尽贖歸毋得蓄錢于家日滿然後頒行其詔又誘諸豪族宿儲困害以平物價艱窘者獲濟矣東陽灾遣流民入其境者日不减千計公躬為撫視闢官舍以居之便宜蠲常平倉并募富人輸粟助賑給至歲稔而止所全活者數十萬人于時某从祖節判府君適在幕下預幹其事後屢称公救卹之術條教最悉他郡莫能及也而轉運使亦言于朝廷賜皇書以褒之觀其治狀則其才資可知矣公平生好讀書至老不倦尤喜星曆五行之學晚悟性命之理淳

苗所謂禪宗者頗得歸趣故于榮利泊如也初領東陽頗難于遠行及渡錢塘江乘潮盪舟中流而嘆曰王陽不欲乘險蓋類是矣自爾時稱不釋踰年感風眩風後五年至泚上而疾復作既還都累屬所親為刺奏求納祿章未及上而疾卒其其也朝廷以三世賻布給其諸弟多在朝衣冠吊者盈門咸曰喪一善人矣享年六十一階朝散大夫勳上柱國開國天水縣子食邑六百戶服紫衣金魚始娶焦氏某官某之女未及封而卒再娶李氏某官某之女封隴西

郡君浚公七年卒生五男九女男皆世其官約之殿中丞順之早夭隆之稷山令君弼以大理評事卒君紀太常寺太祝約之方雅有吏幹稱荐者多名公表率諸弟復得其家法以登朝恩累贈公為尚書戶部侍郎追封焦氏夫人為崇德縣太君李夫人為贊皇郡太君女皆从士人其壻曰祥符尉張邁進士黃孝儀黃必大理評事林鈞絳州判官呂定著作佐郎蘇結蘇州司戶沈邁許田尉沈達華陰主簿王黻而著作君實某之從父也公世為河南洛陽人曾祖贈太

贈太尉諱处厚祖殿中侍御史贈太師中書令諱字  
洎魏公皆葬洛陽公歿之九年議葬卜地得伊闕縣  
教忠鄉之某原吉于是奉公及李夫人之喪並厝其  
壙時治平三月正月某日也壙前三月公之亞弟賓  
客君次其功狀求文于堂所所親厚者銘之余與公  
相接雖晚而世連姻媾通家有年固以詳其履歷矣  
遂銘不讓銘曰

盛矣朝宗其源蓋遠數世乃儒始晦未顯御史既仕  
立朝審、至于魏公遂大繁衍魏公七子公長而賢

表其倫孝友是先門內雍、行義不愆施于有政  
仁聲在焉公治七州皆有能績民詠遺愛朝嘉敏力  
音猷雖謝風声未息紀其芬芳刊此幽石

潁州萬壽縣令張君墓誌銘

斯立名挺卿太常博士集美校理宗古之子尚書工  
部郎中直集美院象中之孫父祖繼以文章登儒館  
顯名于世斯立与其兄都官負外郎晉卿傳其家孝  
俱用是擢進士第而斯立又用是奉美良方正復大  
振名稱于天下既而被召至京師試有日矣一夕無

疾而卒于景德之僧舍于是士大夫識與不識皆惜其才而嘆其未得大施于時為可痛也斯立天性敦朴而強朴過人幼自刻房不喜他習惟讀書著文則不知倦厭甚則至于忘寢食忘寒暑衣敝膚垢而不以為陋心勦形疲而不以為苦其語默奔止動有準則未嘗妄發蓋得之于中也深故形之于外也裕殆非勉力之可至者人从之游久而益親與物無競而衆言自歸少與河東裴煜如晦常山宋敏修中道友善情好莫逆雖出處異勢而趣舍一貫時則講論疑

義簡牘切磨往返數四必理盡而後已斯立初奔進士時名聲未有聞也二人者為誦其試篇朝廷間以為自歷場屋未見有如此之文也自是當塗稍小有稱道斯立者斯立以嘉祐四年三月擢第補遂州司理叅軍上官荐其才以潁州万壽縣令遂奔詔科以治平二年六月三十日卒以熙寧二年十月二十八日葬其墓也妻弱子幼不能奉事惟是轉櫛窀穸之具皆二弟彥卿升卿主之乃克如礼于此可以見其友愛之義素著也張氏先世本澶淵人東上閭閻

使昭先軍器庫副使昭易兄弟並事 太宗皇帝于  
晉邸尤見親用即位踰年而擢為內使不幸俱早世  
軍器家田京師遂墓開封其後二集矣君皆祔之凡  
三世也矣而閭門之子孫則葬揚州斯立卒之明年  
都官洎季弟稚卿及母夫人錢氏相繼喪殂卜墓開  
封不吉卜改遷其先府君并墓揚州吉于是彥卿同  
日奉五襯浮汴淮而南下定寧江都縣之某里府君  
夫人合祔餘皆昭穆相以所謂以禮葬者也斯立文  
章雅之鹿闕贍 撫出于柳：州劉賓客紫微楊文

公宋宣猷使之一用于一朝廷評者必曰此典冊之  
文也議論該洽純正似賈太傅董膠西陸宣使之冊  
于天子之前主司必曰王佐之才也嗟乎年止于四  
十二而官不過百里宰卒不得如其志此所謂命也  
夫始娶昆氏又取蘇氏子長妹也二男子長曰康直  
用其舅端明殿學士錢公奏補為郊社齋郎幼曰康  
升斯立所著文章遺稿詩賦箋奏論策頌凡數十篇  
皆其手札細書未有倫次如晦嘗欲取而叙之為集  
未就而如晦又卒異日二子當有能述厥考厥考之

之美而成先友之志者則其傳也益遠矣銘曰  
斯立之文淵源典墳辯言析理祖義基仁斯立之行  
規矩頽孟樂善忘貧安躬俟命資遠遼辰道思致君  
大对有日半途遘此愴彼明時表茲國器誅行旌矣  
琢銘泉隧

儀寫使銀青光祿大夫任君墓誌銘

任姓出帝者後傳始為黃帝二十五子以德為姓者  
十四人任其一也由漢其以來其別為七皆廣阿侯  
教之裔也而安樂之望為盛至我朝任而顯者蓋三

家一在濟陰一家洛陽一在汶陽而濟陰之族又其  
盛曰禮部尚書康懿諱中正以樞密副使叅知政事  
真宗仁宗曰太子少師致仕英國安惠公諱中師  
復以樞密副使事仁宗兄弟先後登二府為時偉人  
故其子孫承家皆襲榮路儀寫君即安惠公之嗣子  
也諱拱之字公肅生五歲用康懿公任子為右侍禁  
累轉內殿承制以安惠公引年洎遣奏連改供備庫  
西京左藏庫二副使四遷至儀寫使知忻州治平元  
年四月甲子以疾終于州寢年四十九君為人個過

有志介而志特孝謹自以寡兄弟由少及長奉養親  
側未嘗遠去其从官不擇閑劇必以便庭闈為請安  
惠公之還政歸南曹也丐君本州兵馬都監及公薨  
內使例遭喪借百日墨線起就日職君以為獨任先  
人後事不可捨惟堂而以組綬堅求終三年制惟是  
衰麻寔穿之事無不以時者當時士大夫稱其知禮  
外除管勾御輦院用京畿提點荐為雍邱縣都監未  
几擢提點京東路刑獄公事移荆湖北路滿秩知全  
州所蒞以善治聞歸朝嘗彼詔引伴西夏朝正旦使

人君姿狀偉特進止嫻雅尤為戎人憚伏其土毛之  
摯此旧特豐厚君視其不循武者皆却之人或謂之  
曰此常例不足拒也君曰吾聞之先入仕宦俸賜外  
所得無名皆不可受平居時交親相遺尚惧有涉嫌  
者况敢貪異国之賂以敗家檢乎後又特仁宗遺詔  
賜諒祚至其界牛心亭候人具食飲坐君東向君曰  
天子之使適下國自有常禮豈容輒有更交耶卒批  
主榻戎人不能奪及行諒祚遣其近使持馬駝為禮  
又益以金帶繒帛之品且日晷時使人至闕常賚之

外有酒果灯籠之賜令國主尊王人故好幣加等所以將勤至之誠幸毋辭也君曰朝廷賜予非藩國可以為比卒取馬駝而去使歸深被加獎遂拜忻州兼監司亦屢荐其能今參知政事趙公吳公翰林錢呂諸公皆相引重期以速遞而命不副時晦忽推謝此知識者所以嘆惋而重惜也君三娶皆甲族令人曰太原王氏故相沂公之姪女曰福昌縣君李氏尚書右丞相昭述之女益先亡田文安縣君王氏六宅使合州刺史之女四男曰大理寺丞元卿曰大理評

事元偓曰太廟齋郎某曰官某二文長適大理評事梁彥深次幼未有行君好孝通書史筆札嘗來前世忠臣孝子事之尤著者書于屏障以為家戒故諸子輩承事惟謹語家法者多之君嘗言為儒者獨从武弁俱忝先代方將請于朝丐換閨壺散秩而志尚未果及屬曠之日命僚楊州遺奏叙其意求一子為文資朝廷從之諸孤自定襄行哭護君之柩返曾南十四年某月某日定于某鄉某原从先塋之側邀文于予以誌其墓在予惟慶曆初先君嘗副安惠公



使北都方是時 朝廷推恩使者子予得與君同制  
彼命後予使府畿元卿適官屬邑每見其幹褻敏恪  
竊私謂其家法如此：不可無述也銘曰  
惟任遐曹曹今為古康懿登樞英公拜後位以望隆  
慶由德茂子孫其承不墜厥御太上有美儀薦繼仕朝  
端孝不遺親勤無廢官案刑典郡克濟以寬迓甯使  
戎不憚其難朝有知己荐之器使胡年不羸俾志斯  
隆彼銘者旌東翔之裔反宅故丘有子之似

朝奉郎太常博士張君墓誌銘

毘陵張君諱矣字源明以慶曆六年奉進士擢乙科  
解褐試秘書省校郎書連調太平台州軍事二推官  
用荐者章引對于延和殿改著作佐郎又用三司使  
蔡公奏為三部推勘公事今天子即位推恩遷秘書  
丞考課進太常博士以治平三年五月某日卒于京  
師之僦舍其孤中行請舟載喪南歸即用某年某月  
某日甲子葬于無錫縣某鄉某原以大墓也張氏世  
居無錫以善治生產名鄉里至君而超然自喜以諸  
生游孝經史為詞章以取科第固已為士友所期矣

及其從官專力塵事課簿書持文法所居以善稱茲  
义人之難能者台州大水壞城郭人民奔避無地君  
與同僚日夜走塗潦間為鄉導使人去卑就燥又躬  
督役事雖極疲頓亦不少憇而隄防遂完城中脫墊  
溺之患者君之力居多洪之屬邑有盜縱火焚火人  
廬舍者止三年矣一旦獲賊即訊款服問其火具曰  
始以瓦盞藏火至其家又以彗竹然而焚之問二物  
之所存則曰瘞于某所驗之信然既具獄君獨疑有  
寃因謂獄吏曰盜止之三年而所瘞之盞竹視之犹

新此殆非寃耳于是吏再窮辭治之果得枉狀而免  
之三司獄号最繁者日以數百萃庭下其間繫財賂  
之出入枝連蔓引枉直不可逆辨君皆推窮本原審  
覈情偽事小戾則白所部辨析反覆或累日不已上  
官始偕謂君滯懦不任事既而察其情至而從其初  
議非夫純明于中而不撓于外者渠能持守如是耶  
矣君居鄉里事繼母以孝謹聞于兄弟門內雍睦人  
稱其家檢性尤善樂見人有所長必推挹嘉嘆謂已  
不若 之小吏張某者奉事謹畏君謂為可教因勉

以孝蚤則親授經義暮則使為文詞如是久之卒至  
于成就而遣去後十年亦登進士第今為金壇主簿  
君雖出富室而從宦于外惟倚祿為養有不足未嘗  
取于家故病且死其醫葯棺具犹有不備者由是士  
大夫多嘆其廉且介也始君之先世未有仕進者逮  
君登朝緣郊祀恩追贈其父諱瑩為大理評事追封  
其母陳氏為仙遊縣太君其繼母湯氏為壽安縣太  
君其配朱氏為仁和縣君庇其族人追胥力役之事  
者不一夫人能自奮力學其効乃如此誠足以勸鄉

閭為善者也君二子長即中行亦知向孝次日梁季  
毅一幼在家君之壟也同年生徽叔堪論次其履歷  
與行能邀銘于予予官計省接君歿年每相過從語  
公家外時論理道聽其言竇：有緒未嘗及名利觀  
其所守誠宜書之于是作銘以刻其墓石云

倚張君行懿醇出民庠仕朝倫守道固服賤勤從知  
已幹劇繁治衆獄無冤人志方展命已論喪南歸壙  
江濱刊厥美載斯文

七田郎中知博州梁君墓誌銘

熙寧四月正月某日甲子故丞相贈司空兼侍中梁  
公塋于鄆州平陰縣某鄉之某原以其第三子新博  
陵守尚書屯田郎中亞之君祔于某方之某冗前此  
君之仲兄發之以狀屬予曰大事有日矣先君之墓  
翰林承旨王公為之銘矣吾弟屬游有日不朽之圖  
敢以為諉予惟早歲與君同僚南都相好甚款嘗謂  
君文雅修潔資適逢世使之得位見于事業當大有  
過人者不幸早逝遂湮鬱弗著此僚友之所共嘆惋  
也然則紀述之義所以發沉晦而章懿實其得無辭

乎君諱彥回亞之其字也机性夙就讀書學文勤刻  
不廢早夜及其歿也沛然不可禦類非積力可致者  
昆弟皆少年得官京司而志尚益遠期于自奮慶曆  
五年秋齊進士同時預荐者三人而君復在魁選明  
年春遂與發之同年中第始君之大父翰林公洎世  
父史館公策進士于神宗真宗之朝俱為天下第  
一丞相又擢第于神宗世卒以大用至君昆弟聯  
踵取世科名暴揚天下于時論士大夫世俗之美而  
文之譽者以梁氏為盛焉君既仕宦又以吏能稱平

生歷官者九階領事任者六政而所莅必有聲稱人  
皆謂之才有餘而志未克也初以將仕作主簿知京  
兆府萬年縣未行從丞相官勾秦鳳經畧使机宜文  
字次以大理評事應故龍圖閣孝士孫公祖德亳州  
南京兩府辟命簽書判官公事次以殿中丞通判瀛  
州次以太常博士從河北轉運使荐奉通判雄州又  
用權場歲課盈羨特遷也田員外郎次以都官知怀  
州英宗皇帝纂極推恩改職方遂正郎列杖判本  
曹出知博州刺未赴治以治平三月五月九日卒于

京師城西之私第享年四十一君為治尚寬簡而傳  
之以文法事至乃應不肯預為條教以此虽處叢劇  
亦無苛滯故所至吏謹于法而民安其守監司交章  
稱荐以為可大任雄州旧若公厨之弊歲時使客旁  
午而飲食之饋靡有虛日常捧牙校之厚賞者之主  
雖殫家力不足以支浮冗君至則為之鑄治宿蠹易  
軍校代主者委積有素出納有定侵牟更無所用其  
事其間前弊遂革又言於朝廷應邊群有若此類  
請一切更之北道于今稱便嘉祐末大賚天下三司

調細絹河北諸郡一用省估市易緡錢以給諸軍省  
估既高不能即售往、配抑編戶遠近苦之君遽上  
其事以謂 新天子即位海寓咸蒙利澤豈根本  
之地而先有勞擾幸明詔許平其直使民易以轉移  
其後得依所在寔蠲減者自懷始也開封府劾雍邱  
縣劫盜四人獄具移紕察君被臺檄審問閱視案牘  
疑辭有傳致未盡實狀田之累日摘其罅漏以示吏  
及就訊果二人嘗自言當案問未減法府未即斷會  
有曲赦四人者皆貸殊死繫君叅審詳慎之致也在

獄令為雪活二人而君終不自言或問所以荅曰初  
非不欲言念一言之蒙賞甚輕而有司坐深故之罰  
重矣夫以重罰易輕賞豈我所為哉人以長者許之  
君喜為之詞長于諷諭然不尚華藻取意暢而已嘗  
獻裕享太平席治平初郊二賦並蒙優詔獎荅儒者  
榮之河朔連歲有大水地震之異君推本六沴以為  
咎任陰教失序力役勞人諛夫未去正人未用司縱  
弛法令苟簡因條為六事上之又奏丹扈十箴其言  
主于規切見之者謂君端方亮直有爭臣丰采使之

立于朝廷之上必將推已道以及物不然出奇  
納忠自下剽上二者必有遇者惜乎遘時方享齋志  
而歿古人以道之不行為有命者豈是類也耶君娶  
榮陽宋氏故司農少卿孝孫之女吏部尚書白之曾  
孫封仁和縣君生二男子曰子諒子雅皆為太常太  
祝六女子長適光祿寺丞呂延間次適太廟春郎王  
凝四尚幼君孝友愿恪加之以兢畏不怠故能遠于  
悔尤始卒無玷亦其家範如此子孫承教皆端飭自  
持可以保其世祿矣初君之守懷也丞相方慎河橋

封壤相距才百里而近父子惠愛被于河濱歌詠之  
般相聞道路語仕宦者以為美談云銘曰

亞之巖七載世衮美翰林之孫丞相之子躬服名教  
心潛墳史爇藻休辰差肩多士初佐藩僚事立名昭  
累勞積課陟明在朝進登郎列出典州條忠言疏杭  
善政名民謠時亨運通道未大憲顯後有達者宜章  
厥善瑩在高原銘在幽泉般光不泯世七其傳

蘇魏公文集卷五十八

蘇魏公文集卷五十九  
墓誌

中書舍人孔公墓誌銘

職方員外郎郭君墓誌銘

國子博士陸君墓誌銘

中書舍人孔公墓誌銘

中書舍人新淦孔公諱文仲字經父其先出魯阜曲  
苗裔宣聖之後褒王公封者逮今四十八世皆居曲  
阜其支屬散處四方多有聞于時者而公之六世祖



曰績仕唐為吉州衙推卒官不復北歸因家新淦新淦今陞為軍號臨江其子孫遂為臨江軍新淦人衙推之曾孫處士君諱文貞公之曾祖也皇贈光祿少卿諱中正公之祖也尚書兵部郎中贈正議大夫諱延之公之父也公世儒者少稟義訓知自刻苦經史傳注百氏子集外至于天文律曆筭數之書無不識于心而誦于口其議論浹洽講解精辨諸宿老生往往不能出其右嘉祐六年隨鄉貢至禮部奏名為天下第一廷試擢進士丙科初正議公出白屋起江表

登慶曆二年乙第至是公又以文名振場屋二季武仲平仲相繼奉太學試南京皆取甲第故當時語文孝高第者以公家為甲族焉一命試秘書省校書郎杭州餘杭尉再調南康軍司理叅軍以正議使湖北請解官侍養滿歲月荐奉升台州軍事推官熙寧三年詔奉吳良方正之士扈齋孝士元公絳天章閣待制吳公中復以公應詔召試秘閣論在第一對制策入三等上是時朝廷方大有為輔臣建議以為祖宗法度至此已敝當志更改用事之人爭言理財訓

兵以合其說而言事者不以為便，徒被譴斥而公之策亦不以便，故執政疑相與表裏，奏黜不收，趣還本任。既歸，值監司旁午，商度利事，皆公策言不便者，相持甚久，未幾公丁內艱，去職，遂止服除，充國子監直講。時孝者方用，王荊公經義進取，以公不習，是孝換三班院主簿，武遂日受牒訴，不下數百，求官者至有相詬競于庭，主判悉以讓公，為剖析曲直，得與不得一語而決，人人莫不釋然。改著作佐郎、通判保德軍，城依山居，人常苦井飲不足，時有泉出城東。

郭內城人以為非，止便于用，汲亦可以為守禦之備也。官制行，由宣德郎遷奉議郎，遠朝法當得使官屬。火山軍闕，通判格用進士，有不悅公者，因以命之二壘相距才數舍，俱號窮僻，公適自彼至，未旬月復彼，遣亦不辭而往，至則修奔廢，陞督責吏胥，案邊瑣輯民務，武守賴以成績。元豐八年夏，覃恩轉承議郎。今上初纂嗣，太皇太后同听政，相司馬文正公稍復故事，擢用旧人以毗初政。元年，召公為秘書省校書郎，近臣荐諫官者八人，以儀曹方講庶朝之制，擢

公為禮部侍郎 神宗廟配享功臣眾意多在王荆  
公公曰精忠貫天地功利及社稷贈太司鄭國公富  
穉乃其人也眾不能奪卒用鄭公配享有言皇族稱  
謂惟楊王荆王得曰皇叔餘諫屬當各係其祖若唐  
人稱諸王孫比公曰 主上新即位宜廣敦睦之義  
不當疎間骨肉前議遂寢二年自朝奉郎起居舍人  
拜左諫議大夫公素懷致君及物之志既在言責益  
思自效每朝廷政令之出無不深求其得失之迹以  
告于上前後陳數十事或用或不用義之所在亦不

不為時之譽誹而回未幾遷中書舍人偶寒疾未拜  
命犹謂所言未盡憊不已一夕草奏三千餘言首  
論前代英哲之君容受直諫其始勤終怠或致危亂  
願陛下鑒此听納說言常在元祐之初則天下幸甚  
明年春同知貢奉嘗謂士之挾執以干進非黜當否  
系有司之勤惰于是晝則據案以稽叅程衡夜則篝  
燈以點定朱墨前日之病犹未間而治事不廢同僚  
覺其勦瘵因語以法有疾許先出不尔且就枕毋宜  
自苦如此公曰居其官則任其責豈敢以疾自便其

勤如此卒至於大病及事畢奏牒歸第未旬朔是年  
二月二十一日以不起聞嗚呼竭力首公以躬徇職  
如公者幾何人哉古所謂以死勤事者其行雖異而  
其徇一也兩宮覽奏惻然下詔厚恤其家及喪歸又  
命其季弟集美校理平仲為江南東路轉運判官俾  
得以撫孤弱而視寃宥也士大夫識與不識聞之皆  
失聲嗟悼以為朝廷喪一直臣而翰林蘇公子瞻往  
撫其柩曰世方喜軟熟而惡崢嶸相師求成俗求勁  
直如吾經父者今無有也予與正議公同年進士以

游有素熟昆仲之才美久矣熙寧初予方謫官居京  
師杜門不接外事一日龍圖宋公次道惠然見訪曰  
被命初考制科得孔君策九千餘言當世利病盡于  
此矣雖仲舒之博劉蕡之直無以過也然時議以為  
書等過優國朝政事無有此比考官行得罪矣予駭  
曰方朝廷求美如飢渴有人如此而不見錄豈其論  
太高而難合耶抑言太激而取怨耶然聖人在上斯  
言豈終抑不用者乎他日聞吳丞相欲置之臺閣才  
得孝官而人已忌之連蹇十餘年今上遂擢用之

士論以為聖賢相值乃志士可行之時天下亦翹足以待其設施然而未閱再歲而天下不畀壽使不得竟其業志惟見于言者可以紀述以觀示後觀則知其所存也元豐四年王師問罪夏臺兵夫數十萬皆出保德境上軍須百用通判專任其責雖趣办猝置措無乏然兵久不解邊人厭苦公上疏論其不便有三曰大兵未出而人夫預集一也河東雇夫勞民而損費二也諸路出兵首尾不相應三也蓋虞夏商周末嘗無戎狄而怀柔制禦之要不在此而在彼去歲

議役法者有以雇為是而差為非公曰諸言此者敗法乱俗之人不可不察也設科舉者或以經義詩賦策論為四場或以經義為兩科公曰四場是也又謂內講除官出唐之哀政 聖朝不宜有此後因日食七月朔旦上封陳五事曰邪說亂正道小人乘君子四夷侮中國斜封奪公論人臣輕國命察此所以消厭灾异也凡所言多切直拂時人為危惧而上常察其陳意多為容納又言朝廷起處士侍經筵所以崇進道义也而希附者眾致興討論使人不安其分

浸不可長又執政罷不以大故宜全進退之体以散  
官領州恩礼非祿王氏經義令格不用而其親鄰有  
專守者其說者不宜置之朝右以蔽惑後進熙寧用  
事之臣有主新法而撓民事者謫逐日淺未有宜內  
徒有權盜利而確刑酷罰者請命案實以正其罪上  
皆施行如其言由是論之居位雖不久而其志得行  
固不為少于士望雖未厭而于公志亦無歉然也公  
為人恬介自守持重寡言笑尤不事請謁尉餘杭日  
轉運使召與議事：已馳歸不復趨府人問其故對

曰于府無事也在朝非公事不見執政法許同謁亦  
不往與人交不為苟合久乃見其情至前年予忝秋  
官之命因上奏曰智識明敏操守專固臣不如孔某  
請以代臣公知亦不謝及公再遷近職荐令彭紫微  
汝礪暨黃左司庶自代呂丞相稱之曰孔君能奔類  
矣二公相繼進擢公不以為德其接物以誠無外飾  
多此類也性喜飲酒飲益多而色益莊其中皤然  
若有所得平居未嘗問家之有無內外掃之際家人  
詔所以處畫後事惟答以無事此豈其信道者為而

知命者至耶享年五十有 死之日家無餘貯惟有  
書五十卷皆手自校緝者遺文若干篇某人集為五  
十卷公奔進士時故紫微呂夏卿為南省點校官得  
公卷曰詞賦贍鹿策論深博其文似荀卿子雲主司  
以為知言推此言而可以知其他制作之軀制也夫  
人清江縣肖氏同郡處士淇之女一子曰元方用公  
遺息承務郎三女曰保姊曰館娘皆幼曰榮娘早亡  
初公熙寧中遭正議公憂未幾母夫人仁和縣君楊  
祖母仁壽縣君刘相繼奔卒值歲之不易并奔三大

喪而祖塋無可塋者遂謀去新淦而宅九江卜德化  
縣某鄉某里之某穴吉躬冒山谷涉歷寒暑不數月  
而冢宅成未終喪而室堂其鄉人見其區處咸以為  
得禮之實及公之喪歸集賢君挈其孤相地之宜卜  
某山某穴又吉于是六月某月日時克襄大事去正  
議堂相望數里而近凡域兆堂舍亦如其制此又得  
孝子善繼之義也前期二季以德銘見扁又得建康  
張奔狀公履行甚詳姑撫其大概及嘗所聞見者以  
為之銘：曰

遠矣孔氏四十八世曲阜封褒成是繼旁支屢遷  
或越或冀新淦之族源同流异是生紫微鳳奉鴻儀  
父子昆弟出遊 聖時高文大策陳當世之宜嘉  
謨說論為天子所知元祐初載輒坤交泰公為諍臣  
朝夕訥誨言無隱情病不辭億耳目之寄方宣股肱  
之虧已逮公生貢章有墓濕陽之先君之側又為公  
歲止思遺直厚恤其喪爰命介弟出使江鄉言瞻庐  
岫幽堂斯太上御名蠡澤出其南岷漢流其右慮岸谷之  
或遷勒銘詩而示後是為有宋之名臣宣尼之遊曹

秉筆為文章不待師友之益而自成風格既存有司  
名籍場屋嘉祐二年春沈翰林邁祖集矣無擇主試  
別頭得君程文真高等又稱誦于朝不容口既而擢  
第遂為時聞人初用父任將作主簿三遷大理丞歷  
監曹充二州鹽稅在京築密庫尤圖閣直學士知永  
興軍曹賴升辟掌機宜辭不赴知越州蕭山縣之  
宿豪有父子為姦利者悉捕而置于法有育孤女過  
時不嫁而利并其財者諭以礼律使傾貲以配良人  
太守刁約聞之日郭蕭山厭民望矣嘗艤舟餘杭津



亭聞客有後至欲泊者亟徙以避杭守嘆其不爭因  
榜亭為讓後避諱改曰礼帰朝監永豐倉累廷殿中  
丞太常博士治平二年用令丞相王郃公承學士詔  
荐御史為監察裏行于時呂誨范純仁等六御史諫  
官以議濮安懿王祔庙祔號不合相繼罷職君受命  
之日拜疏論列以謂誨等忠言叢論許國大義可從  
可旌無名斥去望追還舊職而罷臣新命詔許上遂  
除書 今上登極推恩由尚書屯田員外郎迁都官  
唐貞肅公為中丞奏請復臺職既叅知政事又荐陞

職方員外郎郭君墓誌銘

尚書職方員外郎知單州軍州事東平郭君以熙寧  
九年三月己未被疾不起于州寢享年五十有五諸  
孤奉喪還鄆藁藪興化僧舍以元豐七年四月癸酉  
克葬于平陰縣翔鳶鄉大田里從吉卜也先是先公  
侍讀既葬于縣之肥城里餘三十年而太夫人尚無  
恙一旦弃諸孫之養將謀合祔而視冢者曰白塋地  
洿下而土疏惡占宜改宅去塋之北十里而近得今  
新城于是合公夫人之柩厝大穴而郎中洎職方君

婦方昭穆以从祔習士禮與通葬範者皆曰宜稱遂  
掩壙焉君之先世自陽曲徙東土萊州萊陽縣今贈  
尚書祠部員外郎諱寧退封清河縣太君張氏曾祖  
考妣也解州解縣令累贈禮部尚書諱禹併退封彭  
城郡太君徐氏廣陵郡太君王氏睢陽郡太君宋氏  
祖考妣也翰林侍讀李士給事中累贈吏部尚書諱  
勸仁壽郡太君李氏考妣也君初名元廣字永叔後  
從進士更名源明字潛亮少自修飭奉措必踐規矩  
接人無墮容無俛言至諄論義理則毅然不可抗奪

陞任遂擢知華州秦鳳副總管主曰周易使過郡監  
稅錢羨以不即赴務解州：翰回易如法又投閣人  
以引入城不得為漏稅羨陰以狀白提刑雷同輔移  
初旁郡而周輔遠至辨爭不勝奏以為詢詈使者而  
郡官亦上其事至遣使即訊君卒不自直遂免所居  
監淮陽軍酒稅而周稅亦坐撓法罷任君不以左官  
芥蒂晨入暮出如常僚本道安撫監司交章言其办  
職滿二歲移知汝州：卒有戍邊者厭苦其主帥苛  
暴羣訴于前辭涉犯上既罷更有密旨誅及党輩公

察非辜，誤為奏請，會有德音，原貸者甚衆。歲餘，廷濱州不行改單，父未几，召权三司度支判官，以親年懇朝廷，嘉其誠孝，听仍舊任。俄而改職，方以卒君趣尚高，莫不以得嬰心力，孝稽古常欲見于行，事故立朝在，仕勇于敢為，而無所避。憚熙寧初轉對上封言五事，一日撫夷狄，謂解西師以弭邊患；二曰惇禮範，謂人臣年至，請老以全名節；三日信命令，謂任官出令，執政審可，然後奏行；四曰正刑辟，謂監司失職，宜隨事輕重以行責降；五日澄吏源，謂恩澤入仕路之猥。

衆宜有裁損，又謂天變地震，皆陰侵陽，臣強兵挫夷狄，內侮之，應望責任宰相，內修治道，外戒兵備，以消厭未萌。大抵指切時事，忠精無厭，觀其可以見其志矣。平生每遊多一方，時劾之士瀛帥李師中誠之尤相厚，善誠之，貶官過單，留連三累月，涕泣不忍別。蓋趣舍同而久要固也。素通術數，深信定分，疾且草取其書閱之，歎歎，反而不復有言。嗒焉委順，非篤于信道，渠能臻此。惜乎年与位皆負，其實使不得大施于時，此士友所以嘆惋也。夫人李氏，工部侍郎應机

之孫大理評事咸寧之女前十六年卒子男五人曰  
茂倩何南府法曹叅軍次曰茂恂奉議郎提本陝西  
買馬監牧司公事次曰茂澤承事郎次曰茂曾次曰  
茂雍未仕女五人二早亡次適奉議郎亞卿封文安  
縣君後君六年卒次適宣教郎蘇熹次在室孫十四  
人孫女九人初侍讀公之薨也君援學士褒卹例請  
于朝特詔贈禮部侍郎君亡之五年茂恂為秘書丞  
加贈都官郎中而茂恂未登朝時與其弟茂澤愴夫  
人之不逮養各以當廷一官求換邑封仙源縣君他

日又進封隴安縣太君積善貽慶子孫善守家法官  
孝相繼可謂有後矣予每君世契且親義分尤著諸

孤方罔不朽猥以見屬撫實叙事繼之以銘曰

郭氏系周胙土于武仲叔二親叔謂鼻祖平王之東

絕而復封謂親為郭遂啓厥宗分支別派燕隗齊最

東都况躬西京欽解杜陵穎川盛于歷代爰分汾陽

為唐上宰 本朝甲族太原東平武惟右戚文則貳

卿于顯貳卿遠辰遠至實生二子為時良器伯也清

方隱吏潛郎仲氏亮直名稱最良仲之立朝不飾不

矯屢抗封章 帝用褒表躬雖遠臣心不忘君再辟  
臺省荐陞長人兩守藩郡仁声益振才高命屈卒亦  
唯進曲阜崇岡在汶之陽祖孫同城龜筮衮祥其祥  
謂何百世之祿令名不泯茲邱益固

國子博士陸君墓誌銘

國子博士山陰陸君諱珪字廉叔尚書吏部郎中直  
昭文館贈諫議大夫諱軫之子贈光祿卿諱昭之孫  
以熙寧九年五月癸酉卒于濠梁之官舍以明年九  
月丙辰葬于會稽縣表孝鄉趙樂峰之南原日月有

期矣諸孤以國子直講龔君原之狀求銘于所知者  
謂予昔嘗使淮南表君之治效為一道令宰之最又  
嘗主禮部貢奉奏君之仲子佃為第一然則不得為  
不知者也于是以文誌其壙云君始以父任為太廟  
齋郎景祐中補湖州武康尉其令老且閤邑事無細  
大皆屬之君七年始冠矣而冢事如理議者謂宿其  
官不及也再調信州司法叅軍州將張鑄以慘急覈  
下無敢與抗者君數爭曲直于前終不為所奪用荐  
者廷杭州南新令謫其尉馬惟一貪贓系于獄或謂

法無縣令下佐官獄事以此獲譴可惜對曰苟畏吏議而屈于凶人我不能也滿秩改睦州錄事參軍衢婺之訟有未決者皆願移于君曰雖得罪犯甘心也考課擢大理寺丞知明州奉化揚州天長二縣皆以嚴著稱辨析奸隱如已親見之揚之大姓湯氏二分財兄訴其弟為異姓子不當有分法父母既止則以籍為定而江都廣陵之籍先為其兄購毀之情幾奪矣又下天長君盡索架閣遠歲案牘閱之得慶曆中州帖有其弟之名者上之州是時州倅呂君希道

適治其事嘗謂予曰十年滯訟用是以決之非有健令安能办比太守韓玉汝亦稱之為有君子之剛而邑人謂其政可繼包孝肅公蓋公嘗宰是邑有遺愛故也然公之為政自明至曠雖退食不去廳廡而邑事以治君之政以聰察為先過其庭者肅如也才畫則無留人而邑事亦治由此言之政無繁簡要之實惠在人則久而益思也會葺縣解財用不足請于州不可調于民又不可於是使人有罪非重故者皆得贖金以助費不日而工告完後使者以為法不當尔

故奏罷之左廷監濠州酒稅至則濠人謹曰此天長  
陸君也州以事委之者十七八君亦精力不憚煩苦  
浚虽病癰瘡猶勉臨務間或移告則州人乘門請  
起轉運使楊君汲荐之曰古所謂盡瘁于國者陸某  
是也方茲時朝廷切于用才不一年次擢者前後相  
望而君之資適逢世又有知己者在朝人皆期其行  
且見用矣不幸奏始下而君已亡嗚呼命也乎享年  
五十五有文集二十卷君少時通敏有才氣好孝尚  
義其僚壻孫威敏公尤器待之曰奇才也鎖廳奉進

士賈魏公置其程文優等後不中第亦不再奉曰吾  
豈不得已者耶然性喜飲食酒每引滿怡然以之酢  
酬事變愈碎而愈明嘗以所生母喪歸越治焦塢先  
塋屬歲旱之水日一有泉出其地中取汲足用旣已  
事而竭焉鄉人以為誠孝所感也夫人毘陵邊氏兵  
部調之女號德安縣君生四男長曰佃尉氏縣丞次  
即佃也審官東院主簿次日傳真定府李教授季曰  
倚奉進士君雖仕官齟齬不如志而諸子皆少年競  
立與當時巨公游声祿已顯矣吳越之間多云吏部

有陰德君能教之忠也銘曰  
吁謂良吏其政平易雖以刑成卒由寬濟匪德匪威  
孰克用又我見其人陸君是矣允矣陸君政以敏聞  
風聲肅、雖歿犹存越山故鄉水深土厚邱隴在焉  
聞望不朽

蘇魏公文集卷第五十九

蘇魏公文集卷六十  
墓誌

太中大夫陳公墓誌銘

朝奉大夫提典廣西刑獄公事胡公墓誌銘

太常少卿李君墓誌銘

西上閤門使王公墓誌銘

壽昌縣君王氏墓誌銘

贈右屯衛大將軍趙公墓誌銘

太中大夫陳公墓誌銘



太中大夫陳公諱繹字和叔其兄大名人皇考諱見  
素以尚書屯田員外郎通判河南府卒官即塋緹氏  
縣萬安山子孫因家洛陽遂為洛陽人公年七歲能  
屬文机警有成人風屯田公尤器異之景祐中年十  
七以開封府進士至廷試誤用韵不收慶曆初再奉  
為別試第一早共矣士大夫游已名聞于時自此益  
大顯矣明年擢乙科調梁山軍判官改填東軍節度  
推官奉美良方正試秘閣幾中選矣以書等異同報  
罷再調西京留守推官嘉祐二年召試奉士院充館

閣校勘編定秘閣書藉改著作佐郎秘書丞進某矣  
校理刊定前漢書誤謬以母喪去位詔听即其家  
校讎終制远朝当是時 英宗即位二年矣犹恭已  
謙默政事仰成輔相公以謂承平日久庶事寢弊乃  
人主大有為之時因密獻五箴欲以感動上意其一  
曰主斷其大略言主道雖不以事詔任美良故在勿  
貳然言馭臣之要在知下之邪正：：分則奸人無  
可容而進者進矣其三曰廣度言養德兢畏則聖度  
未廣退託謙虛則事有所不治故定國家之大計者

不必徇小節小謹也其四曰省變言天之遺告當應之以寔人事修則天意得矣其五曰稽古言觀古所以治今願詔近侍博采故寔度可施于今者倣而行之亦南面簡易之道也遷太常博士賜緋衣銀魚同判尚書刑部每閱天下奏案有情法不相當皆請讞之或謂刑司惟馭正非是不當有所輕重公曰持法者欲得其平苟有未安豈可循默故事耶卒將持前議賴以未減者甚多一日奏事上前英宗面諭曰聞卿文孝久矣真可任也遂除仁宗實錄院檢討

官神宗嗣位遷尚書祠部員外郎書成改度支故事當次遷右右史公獨求外補出知涇州為治皆有條教民懷其惠至有繪其象而祠之者就西轉運副使時嘗平法初下公以被過七州春旱奏免散歛事雖不報上亦稱其無隱尋改使京東過都入見田為三司判官詳定令式直舍人院修起居注遂拜知制誥賜三品服逾年為翰林孝士未幾以疾請郡上遣安撫使滿一歲召遠知通進銀臺司兼門下封駁事神宗嘗謂侍臣曰陳其論事不避权重此可嘉也又

詔掌 皇子牋奏權燾遣開封府前北都畿獄稍疑者多从中覆故嘗壅滯得容吏奸上知其才特聽潤畧四制便宜審決由是時無淹滯久之遷翰苑兼侍讀充郡牧使俄真領府事每奏对嘗累刻所言多合上意人謂行且大用矣值劾司農吏盜用官錢獄未竟中書五房檢正張諤實領寺事惧有失察存之罪遂用白帖詰其滯留狀公遣主吏持案牘示諤明無違滯而言事者以為曲徇宰屬將緹出有罪公亦不自明也罷職出知滁州自謂近且謫守当夙夜劝職

不得與他官比是歲淮甸艰食不待振出官廩以振流孺民用安集郊祀推恩復知制誥而既改秘監書集矣院孝士知廬州徙蔡州又徙潭州未之官拜右諫議大夫知廣州魚本路經畧安撫使撫輯蠻蜺遠人安之海舶大至編戶富實遂繕城郭浚溝池不勞民而功办上賜詔書獎諭官制行政太中大夫扈圖閣待制知江寧府踰年左迁中大夫知建昌軍 今上即位復為太中移密州元祐三年正月己巳終于州宅之正寢享六十八公為人矜嚴有礼馭家人如

官府其為政急豪党而寬善良所在宿奸巨猾畏縮不敢犯与人交不苟合一相契則驩欣無間視异已者猶冰炭然枉直必較無容毫髮雖僚友皆敬憚之然亦以此悔在廣州時嘗戒子弟市藥物必案方劑銖兩示無過取其廉畏如此而粵俗尚鬼有病必禱于佛祠才霧潦薰蒸瘴疠大作公命以帑錢製浮嘉屠像置郡廨日為之祈禱俄而幼女亦被疾禱之有應遂用私財倣為一像罷郡持去適与部使者御太隙亟案奏其事詔獄穷治以為以私像易官像刺利

數百金寘之泐文 神宗閱奏案其情曰以事佛故被重辟亦太甚也遂薄其責聞者乃知其非以毫末之利自汙也公屢廷謫而未嘗芥蒂于心胸躬在遠方而斯須不忘朝廷初至高家聞洮河守將獲番酋鬼章生致闕下州郡當奉表賀公因又表奏疏曰陛下即位之初凡與边事無大小疎近之臣一切廢不用于今二年四鄙無患此聞西帥獄戎俘圖賞功級誠恐由茲生事夷狄漸不可長臣嘗預修 仁宗實錄見康定慶曆間論西事者爭言攻討之利惟范仲

淹独异不合自好水川之敗方深懲艾願以此戒边  
臣無貪小利使夷狄怀服息信天下幸甚公性至慎  
密尝对上自陳不敢有毫髮欺在内廷造辟之言子  
弟亦不得聞以此天子尤聽信之方年少時銳意功  
名自謂遭時遇主無不可為者亦既遭遇矣動輒詘  
輟晚歲益甚徇翔州郡犹謂尚可為也而卒不得如  
其所欲齋志以歿此士友所以為之太息也在郡遘  
疾且草矣犹不廢事前一日頽為其子曰白太傅詩  
云遲徊且住亦何妨岂足為達理世事何可穷耶吾

吾于此了然矣凌晨整衣冠隱几而逝嗚呼可謂能  
知終者也公文格清峻無塵言累語尤長于論事尝  
被詔修宰相拜罷錄換東西府記及其他所著十数  
萬言諸子編集為三十卷藏于家自登朝所領職事  
知太常礼院判登聞鼓院者再判司農寺昭文館尚  
書祠部礼部提举司天監進奏院知審官東院主管  
三班院館伴遼使者一勲累上柱國爵開國侯食邑  
千六百戶曾祖諱瑩祖諱光現累贈特進皆隱德不  
仕公之貴贈其父開府儀同三司追封母樂氏哀國

夫人配謝氏太子賓客濤之孫女將作監主簿綸之  
子封樂平郡君男七人彥輔承奉郎彥威彥恭並先  
亡彥成宣德郎彥達太廟齋郎彥瓌承務郎彥武未  
仕女四人長適屯田員外郎姚甫三尚幼孫男七人  
端靖宣假承務郎靖直靖洵柔靖國靖莊未仕孫  
女一人適溧陽主簿饒蒙諸孤將以元祐四年四月  
庚申葬公于先塋之次前期彥成與季父太府紘叙  
公之履歷事迹屬秘書正字張君績為之狀抵予求  
銘以誌其壙予惟與公同遊場屋再擢科第登儒館

歷近班領臺閣且五十餘年雖中間契濶而音耗不  
草撫事懷往不覺涕淚之沾体因抒言長以寄情抱  
銘曰

剛柔勇怯本乎性用舍行藏固有命愚達賢勞力匪  
孰人能順之受其正猗嗟和叔敏而通始亨終否由  
其途方當遇合言聽從一罹口語智盲奔心在朝廷  
迹州郡江海雖遙言屢進再斥復還地益峻遠跡未  
奮修途盡文章縱橫經世才命不我與徒卷懷英風  
偉績空沉埋刊名幽堂示方來

朝奉大夫提點廣西刑獄公事胡公墓誌銘  
建安胡氏自朕方府君諱頤之壯年官豫章感目疾  
遂致政卜居本郡子孫因家焉今為豫章某縣人朕  
方府君以文孝政事聞于時明道景祐間數上書論  
朝政得失已退事仕矣 仁宗特許詔驛奏言事當  
時名卿莫不高其風範生吉水主簿諱奕始冠進士  
第終于一命生大夫諱及字考父初名克儉避嫌更  
之朕方既致政得補郊社齋郎調饒州餘干泉州晉  
江二縣尉廷黃州軍事推官改大理寺丞 神宗登

極轉太子中舍知建昌軍南豐縣南豐在江西最為  
大邑編戶數萬多豪右著姓訟爭既繁胥吏操其柄  
前後令罕能勝之者考父夙當富吏能復得家法初  
為邑尉已蘄然出鋒穎摘奸鋤強民不敢犯至是察  
見俗弊欲有所為故先召里中父老坐廷下訪其土  
俗利病所在鈞得其寔然後為條教纖悉必盡故令  
出而人伏犯者一切不貸前後黷吏宿賊黥隸者九  
人又嘗籍其鄰里鄉党如伍保法使相幾察以索奸  
盜邑故多掠良人子售為奴婢遠近相蒙莫肯究

至是有犯必得其弊遂絕逮將滿也邑民千餘輩列  
疏其政事之尤著者十數條叩軍守邀監司願留借  
再任事聞于朝 神宗異之代还吏部試治煩令差  
知潭州長沙縣熙康初常平法行令丞相章公察訪  
兩湖案募役平徭法而長沙獨得其要領奏書為諸  
縣之最又被使檄均徭人禁田與毛漸吳居厚分行  
山嶺重篁竹間區畷其生熟撩有獷悍拒命者面告  
以王師誅逆拊順之意無不歡呼服役不旋日而一  
方遂定賞功廷国子博士驛召赴熙河準備差遣彙

通判通遠軍凡論邊事以遠斥埃謹疆境為先務与  
帥臣議不合乃以母老求便鄉帥臣以為如其言則  
人人欲去矣以此坐免既归朝粹不問差知楚州連  
水縣是歲淮甸旱蝗禱神祠修湖場一日雨澍蝗殄  
邑人以為宰君誠感所致京尹察公延慶荐為左軍  
巡判官出通判登州官制行換朝奉郎廷朝散勾当  
京東排岸司從式卿蹇公辟命為開封府推官旧制  
京京尹得辟府僚一員官制行悉罷矣蹇公面荐于  
神宗翊日以語執政曰周輔欲且仍旧自辟察官



否得執政唯諾又問胡及何如皆曰才于是特以命  
之今上即位進朝請郎坐治書生安為詔草獄不竟  
左廷通判定州今樞密韓公作師喜得矣佐待遇尤  
厚屬歲之不易北道艱食安撫監司悉以荒政之事  
付之于是開廩庾代薪多以哺流冗施設有宜民復  
州家在郡進朝奉大夫徙知吉州去定之日老幼遮  
道呼曰我曾前日免殍亡皆公之賜也遭母夫人之  
喪不之官外除知濟州未行改提点廣西刑獄公事  
在道感疾至泗州不起享年六十二考父性敏悟自

修飭介立不倚于吏事特為明辨所至有治狀當路  
多推荐之端明蔡公襄政事為當世表寮屬鮮有合  
其意者守泉州日謂人曰郡官中胡及葉康直吏才  
皆有过人者王荆公初執政聞其南豐之譽數詢廣  
座日識此人否暨見之問日久于縣道知民疾苦宜  
莫如君之詳也有可以補于時幸一二疏示因其近  
歲州縣得失十數事上之荆公雖不盡用其言然獎  
待甚至自熙河歸過洛見司馬溫公：勞苦之日西  
垂奔事得志者數百人君獨不意而歸其有以乎後

溫公得政未嘗通訊問名教以此不相聞終亦艱  
晚歲稍階進任又復不壽嗚呼才非不試也卒不得  
一如其志知之者非不力也竟不見用豈所謂分定  
不可移耶其遼然耶此有志之士所以為嘆惋也少  
好讀書然不能守章句故不以此進取作詩效杜甫  
體往亡有佳句聞于僚友喜風角術在通遠嘗予主  
帥書曰晨起西北有赤氣冒城郭占曰其下殺萬人  
惟戒諸將毋擅興事可以免耳不數日景思五戰敗  
如其言夫人蘇氏封仙源縣君予之姑也次孫氏太

和縣君某官某之女某官某之弟七男子曰潛某官  
曰某皆未仕一女子長適承務郎彭詢未行景祐  
初先太師通判洪州先祖司徒公方待次郡中與賤  
方公素以道義相契相遇以予在侍下嘗應門左右  
時大夫與姑氏齊年襁褓遂訂姻好自此通家殆今  
六十年矣考父于予尊行也相視如教者蓋自幼少  
从游絕去形迹一無間然葬也諸孤求銘予操觚牘  
感疇昔不覺涕下之沾頤也銘曰  
薛昔有言凡今為吏自有資材非孝能至有若考父

得之尤遂宅特天資亦自家世惟祖遺孫政以能聞  
亞尹倅戎已試吏煩賦惓植榆亦著邊勤析符為州  
揚節奉使曾未設施或以或蹟時亨命塞孰能付畀  
我勒斯文誌于羨隨

太常少卿李君墓誌銘

太常少卿李君諱規字子襄其先世曰知謙自魚州  
徙籍于開封之祥符縣是為君之曾祖有子曰延美  
是為君之祖實生皇考諱从憲雖不仕君家而能教  
子以問孝犹及見其成名當君擢進士第于景祐之

初歷官為鄭州之新鄭江陵之江陵兩縣主簿而皇  
考始以壽終服既除調許州長社主簿就徙舞陽縣  
今改著作佐郎知汝州梁縣會秦邸之喪塋于邑中  
隸平革挾勢其所傷平民者君械系于獄其家厚為  
之請卒亦不釋自是至其境者無不肅然徙知漢州  
綿竹縣以不便親眷請監陝州商稅雅為故樞相張  
康節公所知名帥秦慶連辟掌其府机宜以行樞筦  
又荐之于朝累廷尚書比田員外郎簽書陳州觀察  
判官公事以母憂去既終喪為陵臺令兼知永安縣

事諸陵歲時之祀皆有常制而宮嫔宦官或私有所厚薄君辭日對便殿言之 仁宗稱善少室山隸縣境林木茂望之鬱然異時嘗為佛寺擾其地一日民有伐薪為炭而為寺僧所歐者西造于縣僧曰此地自唐以來皆在寺籍碑識具存請以為驗君一見辨其偽悉治以法因諭民曰凡境內之山林皆得樵牧耒者遂如歸焉有中使自邊州還致一山鹿命郵卒負之而趨道于邑中因卒有辭怒而擊傷之君暴其事乃聞于朝中人由是坐貶歷通判河陽官為都官

郎中矣是時朝廷方擢取材臣以為三司寮屬故用君叔管度支判官公事判使荐其才改鹽鈔判官三司歲料江湖草茶以輸京師吏常廣調其數至所積陳腐不可食者若乃量一歲之出以為賦入之限自是歲省五十餘萬斤迄今便之改判開拆司接伴契丹朝正使 者郊近辭疾欲就外館改服君使人進責之曰外館宴所常服而趨是慢上也使者不復敢言卒如禮而入 今上初嗣位詔羣臣轉對君上陳強本足用阜財安民之說其言當世之務者皆有

條理見之者可以知其志也君為人寬厚沉敏恂、  
似不能言及其遇事敢斷介然有守且貴有力者不  
可干以非義其廉畏尤有過人者秦庭故事郡官射  
會中的者公帑以銀給之君以為取之傷廉辭之違  
衆故終其任不赴公會自歷官未嘗役使官區嘗語  
諸子曰古人有言當官雖木枕亦不可為况什器乎  
在計省三年建議居多不為苟合以希進累請補外  
得知絳州代遠若有所不釋然者將老于家遂求監  
嵩山嵩福宮既再任而以疾終于西京延福坊之居

第享年六十八時熙寧十年正月二十九日也其孤  
以明年七月十三日葬君于河南縣太尉鄉偏橋里  
之東原夫人杜氏祔焉君既升朝累贈其父至尚書  
刑部侍郎母孫氏天水具太君王氏仙遊具太君配  
杜氏封福昌具君繼蘇氏仁和具君子九人男十之  
河南府澠池主簿卒于官奔之大理評事二女嫁潘  
瑜張保源皆為州掾餘早夭孫九人君平生薦于友  
愛弟現未仕請以一官回授之事虽不从人多其義  
予奔進士時識君京師連牆而居者三歲出入相从

尊酒相歡未嘗有間也後三十餘年而偕仕朝廷見其粹和淳篤之守終始不少變焉吁可謂有常者矣

銘曰

君子之德不競不絀在義則固于仁也柔孰允蹈之匪貞而修君克保之始終無尤特立起家亞卿是秩入朝出麾皆是稱述其進既裕其退則佚嵩高岩上聊以永日命雖不延生亦能全豐祿居第白首邱園其藏也固有子之矣其室安在橋里之原

西上閣門使王公墓誌銘

嘗讀前史觀國朝以來將相大臣子孫保有其家室迨數世而不墜門法者不十數家而建雄軍節度使

魯國武康王公其一也魯公諱超在太宗真宗

朝提禁兵帥三路為時名將生忠武軍節度使檢校

太師同中書門下平章事魯國武恭公諱德用在

仁宗朝以高才偉畧名暴戎虜累殿藩翰再歷樞筦

終始一節勲在盟府魯公之弟德基官至延州觀察

使廊延經畧使德恭蘄州刺史魯公之孫二十八皆

以材武聞于時繼登顯仕或遙領州郡或擢在橫班

而魯公之長子東頭供奉官贈左金吾衛上將軍諱  
咸熙初仕早卒生二子伯諱澤以強敏習知民政  
累典州郡終皇城使仲諱淵字巨源結髮為右侍禁  
閣門祇候七廷至皇城使閣門通事舍人更歷煩使  
出权陝州兵馬鈐轄 神宗初即位勵精治道細大  
之務固不修奔至于典謁贊導之事無一不經至慮  
者一日以閣門缺員而在職者有不閑詞令故自陝  
州特召公还上既見宣奏如礼頌謂其察曰列相儀  
當如玉某可也通事歲滿擢西上閣門副使久之自

請于上曰臣世以武力受国大恩臣名復在右列當  
竭股肱之力任疆場之事願得乘一障尽死節以報  
朝廷上曰朕方屬卿以戢事未可遽去嘗預修閣門  
儀制尤圖閣直孝士宋公次道典領其事宋公一代  
名儒練達典故每称于同列曰王君凡事詳熟議論  
有本末定此易耳繼領御前忠佐軍頭引見司勾当  
皇城司皇城司内廷要任晨夕侍衛官禁以勞自  
引進陞客省副使 今上覃霽拜西上閣門使初元  
豐三年始復州郡武備置諸路軍將官制九軍營陣

定鄉村保甲皆稀濶不講之政在職者或未盡悉其  
禁令公數被命案奉初往河北訪兵民利害及當官  
不習職之人條例上之令永興韓丞相時在樞密見  
奏謂之曰辭簡而事該皆可施用行後其言裁制其  
過與不及者十七人又按京畿將兵河東及晉絳澤  
潞威勝五州軍團甲振奔其職皆稱上旨六年親郊  
侍祠大慶殿末疾暴作肩舁歸第在告且久未任朝  
謁上三遣使就問以所苦如何治者何人日望平愈  
無事早出侍卿往閱京西陝西兵馬既而再予告百

日七年夏以疲憊請開局詔提奉兗州仙源具景靈  
太極兩宮觀公事居家養疾皆出特恩非常比也既  
間居每自念荷至主非常之眷未知所報而死不能  
死有餘責矣八年三月聞先帝遺詔強起望哭  
移時几絕者數矣禧陵蕝引前方將扶舁臨哭缺門  
忽夢先帝台如平生既寤感慟久之以其年七月二  
日疽發于背而卒訃聞詔卹其後廷季子官補長孫  
為三班奉職初金吾之亡公與伯兄俱在乳抱母延  
安郡太夫人夏氏躬自鞠育推燥居濕逮于長城魯



公矜而憐之賞延之恩先于諸子又使受學于諸儒  
出則从士大夫遊以習禮法其後兄弟競爽循蹈規  
矩亦由母慈至而祖訓名故也自登朝从官未嘗遠  
左右間被選為成都利路鈐轄亦以親年為言力辭  
不拜延安後二年公歿疾且革犹曰吾不得死于吾  
子之手為大恨審斯言則平旦之承順顏色有以慰  
母心者可知也平居樂易若無不可者然剛中謹戾  
不妄舉動喜飲酒而未嘗至于酣醉善音樂而不以  
為能事接人初若簡淡久而益親桂人歐陽闢旅居

京師不求自達公一相見契合如平素遂留館于家  
日與講論義理十餘年無少間闢至今不忍去自少  
長不杂交遊不妄出入視權門尤畏惧与今新州蔡  
丞相有白新州當政日每相招延則一往旅見語不  
及私子弟或問故應曰仕宦当尔輩亦宜知此則  
寡悔矣神宗因問語及對曰臣愚不能周旋人事  
耳非有他也三使契丹北人首訪其族日得非兩世  
太師之後乎荅曰曾大父大父也及燕射屢中的衆  
駭曰是果有成法也四為南郊明堂御營四面巡檢

皆以办戕蒙賞初仕時年尚少入侍殿閣以勤恪著  
稱仁宗已識其名姓嘗以御書无白字賜之後詔伴  
高丽使人南苑燕射 神宗以御弓一御箭四賜之  
是二者皆郡臣所不得與及班列中咸以為榮遇也  
夫人蔚氏殿前都指揮使保靜軍節度使昭敏之孫  
封永寧縣君治家岩族而門内清約室无玩好旁无  
姬媵有若儒素熙寧中諸父俱亡伯兄外守边要家  
事悉以委公拊循孱弱叫率群从使就問學賜給均  
一内外忻以睦如是且十年無一日替舍内有猫

相乳者八人以為异焉子四男子曰任内殿崇班曰  
价供備軍庫副使曰侯右侍禁曰佺右班殿直六女  
子五適人一未行壻曰明州錄事參軍夏大同右侍  
禁張宗陶蔡州汝易县主簿李元致右侍禁石京鳳  
翔府司理參軍張克勤孫九人日瓊三班奉職日珙  
日璠日珙日璟日玠日瑤日琳並未仕孫女九  
人並幼王氏之先世為趙人而占數常山真定县自  
魯公徙葬河南府密县密令隸于鄭故又著籍于鄭  
州管城县諸子卜以元祐四年八月戊申奔公之柩

墓于新鄭縣程吳鄉尹固村前期任以狀托銘于予  
其請勤、至于十數且曰先人操守介特平生交游  
虽多而知之者鮮非公春紀始終則懿行遺美惧無  
述焉予惟疇昔之好重之以熙寧初同使契丹尤相  
親愛每聽其言多及朝廷政令之要問其所趣皆忠  
義謹厚者所尚之事其矯訐刻覈之行曰不能為也  
予又熟其伯兄之所存亦相類于是竊嘆曰王氏家  
訓如此宜乎世有其人今虽亡矣而嗣競勸若然其  
子孫又有成立者則門構益不墮矣因為之銘曰

璫珣之珍產于荆昆公侯之貴亦出名門懿彼上閭  
遐哉慶源常趙之族將相之孫少登顯職多聞博識  
贊揚命令雍容謹飭神宗所知中外宣力受命按兵  
勤躬休國資遠途時數亦多奇中年而逝雅志終虧  
岡陵鬱、瑩茲新窆世德不忘曾云襲吉

### 壽昌具君王氏墓誌銘

皇朝宗室之盛敦睦之息至其子孫之加吉吉礼一  
皆主于朝廷凡通昏于諸臣之家非夫氏族之著而  
婦事之宜者盖艱其選右武衛大將軍柳州刺史叔

顯故夫人壽昌縣君王氏其人也夫人之先為河朔大姓後以仕宦从下今占開封曾祖諱審琦忠武軍節度使同中書門下平章事追封秦王其配曰秦國太夫人曹氏祖諱承德東上閣門使會州刺史其配曰西平郡君石氏父諱世厚內殿崇班其配曰平原郡君趙氏此世族之著也夫人資質修嫻和柔敏慧其族中嘗推异之年十六而归宗邸奉事尊敬動有動礼法家以寬岩祿在夫室七年謙恭慈順無媚妒之行左右有過失則以理責數未嘗施鞭箠而衆自

稟閨門之內雍然無間言此其婦事之宜也年二十三不幸早世其初被疾甚力武衛憂見形色為之歷訪醫診砭餌交進繼之以禳禳之事無所不至其亡也武衛念伉儷之矣淑悼其不得偕老喪禮之外又為之屏去葷味日誦浮屠言以資冥祐虽親戚開勉久益不廢非夫好合之德素茂則安能感其良人若是耶夫人以熙寧二年三月二十日卒于官邸以其年十一月十日葬于汝州之梁縣秦悼王之故城先姑李夫人冢次男曰擇之今為太子右內率府副

率其二男一女皆先亡銘曰  
相王之孫宗侯之婦有美淑貞云何不壽生宜厥家  
葬送先姑令問不已納銘幽壙

贈右屯衛大將軍趙公墓誌銘

公諱叔趾秦悼王諱延美之裔孫曾大父德彝為潁  
川郡王夫大父諱承矩贈相州觀察使考諱克循追  
封東陽郡公惟王之子孫在屬藉中特為繁衍而朝  
廷敦睦之厚無有疏戚恩禮一均故公生五歲以賜  
例授太子右內率府副率十餘年而遷至右千牛衛

將軍年十九不幸感疾而逝詔贈右屯衛大將軍茲  
所以見恩卹始終之至也准狀公東陽之第七子母  
曰安定具君彭氏生于皇祐辛卯四月六日卒于熙  
寧己酉五月二十七日其為人純和貞重喜親師學  
于父母孝于兄弟睦而儀觀甚偉在稠人中見之者  
無不聳然以恭是謂公族之秀者也以服父喪繼罹  
國恤未及昏媾其葬也以卒之年冬十月十三日以  
故相王葬引而西以十一月十日祔于汝州梁縣秦  
王之墳次有詔詞臣為之作銘曰

孰畀之資生于国宗胡奪之年甫冠而終其生未室  
其歲有封于汝之墳先生之從

蕪魏公文集卷六十

光緒戊子湖州陸  
心源捐送國子監  
之書置臚南學

